

Univerzitetski edukatori za održivi razvoj (UE4SD) – Saopćenje za javnost

Suočavanje visokog obrazovanja sa budućnošću za bolji svijet

Nastala je nova inicijativa čiji je cilj preustrojiti procese nastave i studiranja na univerzitetima, sve kako bi se studenti osposobili i opremili novim znanjima i vještinama neophodnim za suočavanje sa rastućim društvenim, ekonomskim i okolišnim nejednakostima.

Univerzitetski edukatori za održivi razvoj (UE4SD) jeste projekt koji udružuje pedeset i pet (55) partnera (mahom univerziteta) iz trideset i tri (33) zemlje diljem Evrope, pa i šire, kako bi preispitali i reformirali nastavno-istraživačke-naučne procese (kurikulume) u visokom obrazovanju i u njih ugradili koncept održivog razvoja. U fokusu trogodišnjeg projekta, koji finansira Evropska komisija u okviru Programa cjeloživotnog učenja – *Erasmus Academic Networks*, jeste povezivanje i umrežavanje Obrazovanja za održivi razvoj (*Education for Sustainable Development*) i težnja da se unaprijedi kvaliteta visokog obrazovanja uopće. UE4SD teži inovaciji akademskih praksi i kurikuluma kreiranjem različitih mogućnosti za univerzitetske edukatore kako bi razvili profesionalne kompetencije i kapacitete akademskog vođstva u kontekstu Obrazovanja za održivi razvoj. Drugim riječima, ovaj projekt dizajniran je pružiti podršku kolegama nastavnicima tako što će ih osposobiti da, neovisno od predmeta koji predaju ili njihove uže specijalizacije, pripreme studente da mogu razumijeti i odgovorno djelovati u kontekstu održivog razvoja. Naposljetku i najvažnije, UE4SD teži polučiti doprinos preorijentaciji visokog obrazovanja kako bi ovo bilo sposobno kreirati dugoročnu viziju budućnosti i bilo podrška izgradnji boljeg svijeta.

Projekt je fokusiran na inovaciju i na obznanjivanje malo poznate činjenice da je koncept Obrazovanja za održivi razvoj dizajniran pružiti podršku individualnom razvoju univerzitetskih edukatora. Kako bi se nadišla barijera nepoznavanja koncepta održivog razvoja od strane šire, pa i akademske javnosti, partneri u projektu će provesti istraživanje na terenu radi mapiranja i analize činjeničnog stanja u pogledu raspoloživih mogućnosti za profesionalni razvoj u kontekstu Obrazovanja za održivi razvoj u okvirima zemalja iz kojih potiču partneri, kao i regiona. Sistemsko prikupljanje podataka će rezultirati u obliku četiri pod-regionalna izvještaja i jednog izvještaja o postojećem stanju u svim zemljama partnerima. Na bazi temeljnog istraživanja bit će prepoznata vodeća praksa, koja će predstavljati osnovu publikacije. Bit će kreirana online platforma resursa, koja bi pružila podršku univerzitetskim edukatorima i profesionalnim razvojnim timovima. Ovi resursi omogućit će Akademskoj zajednici za održivi razvoj u visokom obrazovanju (*the Academy of Education for Sustainable Development in Higher Education*) da zahtjeva podršku u procesu preorijentacije visokog obrazovanja u pravcu održivog razvoja. U ovoj fazi, težit će se izgradnji kapaciteta i stvaranja različitih mogućnosti za univerzitetsko vođstvo, nastavno osoblje (edukatore) i ostalo osoblje koje je odgovorno za profesionalni razvoj.

Aktivnosti UE4SD su u bliskoj koordinaciji sa programom *COPERNICUS Alliance*, Evropskom mrežom visokog obrazovanja za održivi razvoj (*the European Network of Higher Education for Sustainable Development*), i „Sporazumom o visokom obrazovanju Rio+20“ (*the “Rio+20 Treaty on Higher Education”*), koji su bili inaugurirani na Konferenciji Ujedinjenih Nacija o održivom razvoju u Rio de Žaneiru u junu 2012. godine. Vodeći partneri su Univerzitet u Glosteširu iz Velike Britanije (*University of Gloucestershire, UK*), koji blisko surađuje sa tri ključna partnera: Autonomnim Univerzitetom u Madridu (*Autonomous University of Madrid - Spain*), Karlovim univerzitetom iz Češke Republike i Univerzitetom Leuphana iz Lineborga (*Lueneborg, Germany*) iz Savezne Republike Njemačke. Univerzitet u Bihaću će kao UE4SD partner učestvovati u raspodijeli i uspoređivanju profesionalnih iskustava sa ostalim institucijama – partnerima, vehementno zalažući se za reformu za održivi razvoj, u čijem fokusu je Obrazovanje za održivi razvoj mogućnosti.

Za više informacija:

Email: ue4sd@glos.ac.uk

Web: <http://www.ue4sd.eu>